

Tengigjald kr. 3 000.00 fyrir hús með einni íbúð, en auk þess kr. 1 000.00 fyrir íbúð umfram eina, fyrir atvinnuhúsnæði kr. 6 000.00.

4. gr.

Húseigandi ber ábyrgð á greiðslu holræsagjalds gagnvart hreppsnefnd. Kröfur sem hreppsnefndin kann að öðlast samkv. 1. og 3. gr., má taka lögtaki á kostnað gjaldanda, og eru gjöld þessi tryggð með lögveði í húseigninni í næstu tvö ár eftir gjalddaga með forgangsrétti fyrir hvers konar sammingsveði og aðfararveði.

Gjalddagi holræsagjalds er 15. janúar ár hvert.

5. gr.

Brot á reglugerð þessari varða sektum, allt að kr. 5 000.00 nema þyngri refsing liggi við skv. lögum. Mál út af brotum á reglugerð þessari skal farið með að hætti opinberra mála.

Reglugerð þessi, sem hreppsnefnd Breiðdalshrepps hefur samið og samþykkt samkvæmt lögum nr. 15 20. júní 1923, staðfestist hér með til að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 17. október 1972.

Hannibal Valdimarsson.

Hallgrímur Dalberg.

REGLUGERÐ

fyrir vatnsveitu Breiðdalsvíkurþorps í Breiðdalshreppi, Suður-Múlasýslu.

1. gr.

Hreppsnefnd Breiðdalshrepps hefur einkaleyfi til reksturs vatnsveitu og sölu vatns á svæði því, sem vatnsveita Breiðdalsvíkur nær yfir og hún getur fullnægt, og einnig til hafnarinnar á Breiðdalsvík.

2. gr.

Öll framkvæmdastörf vatnsveitunnar svo sem viðhald, endurbætur, viðauka og umsjón alla, annast vatnsveitunefnd, sem kosin er til fjögurra ára í senn af hreppsnefnd. Enginn má leggja vatnsæð frá vatnsveitunni annar en sá, sem vatnsveitunefnd felur það starf. Hver, sem vill komast í samband við vatnsveituna, skal senda vatnsveitustjóra skriflega umsókn þar um. Umsókninni fylgi nákvæmar upplýsingar um hve mikið vatn viðkomandi telur sig þurfa, og til hvers það skuli notað. Hverjum húseiganda ber að greiða allan kostnað við lagningu vatnsæða úr götulögnum að húsvegg og annast allt viðhald þeirra á sinn kostnað.

Oddviti annast reikningshald og fjárreiður vatnsveitunnar.

3. gr.

Skylt er hverjum húseiganda að láta tafarlaust gera við bilanir og leka, hann skal sérstaklega gæta þess, að ekki frjósi í æðunum. Enginn má eyða vatni að óþörfu. Enginn má setja aflvélar í samband við vatnsveituna. Enginn má hafa hitaleiðslur eða aðrar leiðslur í sambandi við vatnsveituna nema með samþykki vatnsveitustjóra, og þeim útbúnaði, sem hann telur tryggan.

4. gr.

Starfsmönnum vatnsveitunnar er heimilt að fara um hús manna, þar sem vatnsæðar liggja, til þess að athuga þær og tæki þau, sem sett eru í samband við þær. Ef þeim þykir útbúnaði í einhverju ábótavant, skal tafarlaust bætt úr því á kostnað húseiganda. Heimilt er starfsmönnum vatnsveitunnar að loka vatnsæðum fyrir þeim, sem vanrækja að láta gera við bilanir á pípum eða tækjum, eyða vatni að óþörfu eða greiða ekki tengigjald eða vatnsskatt á réttum gjalddaga, efni, vinnu eða annað, sem vatnsveitan kann að leggja til um stundarsakir.

Fullan vatnsskatt ber einnig að greiða fyrir þann tíma, sem vatnsæðum er lokað.

5. gr.

Engum er heimilt, án leyfis vatnsveitustjóra, að taka vatn úr brunahönum vatnsveitunnar. Hver, sem veldur skaða eða skemmdum á vatnsveitunni, skal bæta að fullu að dómi matsmanna.

6. gr.

Vatnsveitustjóri getur lokað fyrir vatn í öllu þorpinu eða hluta þess til hreinsunar á vatnsgeymum og til viðgerða á þeim eða vatnsæðum. Slík lokun skal þó tilkynnt fyrir fram, ef nokkur tók eru á.

7. gr.

Skýlt er hverjum að láta af hendi land sitt og landsafnot í þarfir vatnsveitunnar, svo og mannvirki, og þola þær eignarkvaðir, óhagræði og takmörkun á afnotarétti, sem vatnsveitan kann að hafa í för með sér, enda komi fullar bætur fyrir, samkv. mati, ef ekki næst samkomulag.

8. gr.

Af öllum húsum, sem virt eru til fasteignaskatta, og vatni er veitt í eða úr næst til vatnsæða í götu, vegi eða opnu svæði, er lóð þeirra telst til, skal greiða vatnsskatt og tengigjald. Skatturinn og tengigjaldið skal lagt á eftir hinni lögskipuðu fasteignamatssvirðingu húsanna.

9. gr.

Af öllum húsum, sem svo er ástatt um, sem segir í 7. gr. reglugerðar þessarar, skal greiða vatnsskatt 0,1% af fasteignamatssverði húss og lóðar þó aldrei lægra en kr. 600.00 af hverri íbúð. Tengigjald skal vera kr. 1 000.00 fyrir einnar íbúðar hús, en kr. 500.00 fyrir hverja íbúð í húsi, sem eru fleiri en ein íbúð, og auk þess 0,1% af fasteignamatssverði húss og lóðar. Fasteignagjaldið greiðist um leið og leyfi er veitt til tengingar, en fasteignamatsgjaldið, þegar húsið hefur verið metið. Ef hús, er greiða ber vatnsskatt af, eru ekki virt fasteignamatssverði ákvarðar vatnsveitan skattinn. Heimilt er að ákveða vatnsskatt af óbyggðum lóðum, er liggja að götu, vegi eða opnu svæði, sem vatnsæðar liggja um.

10. gr.

Auk vatnsskatts skv. 8. gr. skal greiða aukavatnsskatt fyrir verksmiðjur, iðn-fyrirtæki (vinnslustöðvar), útgerðarstöðvar, sláturhús, frystihús, efnalaugar, þvottahús, bifreiðapvottastöðvar svo og aðra, sem nota vatn til annars en heimilisstarfa. Skal greiða 0,5% á fasteignamat húss og lóðar. Tengigjald fylgi sömu ákvæðum og íbúðarhúsnæði.

11. gr.

Aukavatnsskatt samkv. 10. gr. skal innheimta samkv. mæli eða áætlun vatnsveitustjóra með kr. 1.50 fyrir hvern teningsmetra.

12. gr.

Vatnsveitan lætur notendum í té löggilta vatnsmæla og er ársleiga fyrir hvern mæli kr. 500.00.

13. gr.

Fyrir vatn til hafnarinnar greiðast kr. 30.00 fyrir hverja smálest.

Fyrir önnur vatnsnot en þau, sem að framan eru talin, skal hverju sinni greiddur aukavatnsskattur eftir ákvörðun vatnsveitunnar.

14. gr.

Hrökkvi tekjur vatnsveitunnar ekki fyrir rekstrarútgjöldum, getur hreppsnefnd ákveðið fyrir eitt ár í senn, án þess að leita þurfi staðfestingar ráðuneytis, að hækka gjaldskrána um allt að 50%.

15. gr.

Gjaldár vatnsveitunnar er almanaksárið. Gjaldldagi er 15. jan. ár hvert. Aukavatnsskattur er heimilt að innheimta eftir á með 4 gjalddögum í lok hvers ársfjórðungs. Öll gjöld samkvæmt reglugerð þessari reiknast í heilum krónum.

16. gr.

Húseigandi ber ábyrgð á greiðslu vatnsskatts vegna húss síns. Eigandi fyrirtækis ber ábyrgð á greiðslu aukavatnsskatts vegna atvinnurekstrar. Vatnsskattinn má taka lögtaki og er hann tryggður með lögveði í eigninni næstu 2 ár eftir gjalddaga með forgangsveði fyrir hvers konar samningsveði og aðfararveði.

17. gr.

Brot gegn reglugerð þessari varða sektum allt að kr. 5 000.00 nema þyngri refsing liggi við að lögum. Mál út af brotum á reglugerð þessari skal farið með að hætti opinberra mála.

Reglugerð þessi, sem samin er og samþykkt af hreppsnefnd Breiðdalshrepps, staðfestist hér með, samkvæmt vatnalögum nr. 15 20. júní 1923, til þess að öðlast gildi þegar í stað og birtist hér til eftirbreytni öllum þeim, er hlut eiga að máli.

Jafnframt er úr gildi felld reglugerð nr. 182 20. október 1960 fyrir vatnsveitu Breiðdalsvíkur.

Félagsmálaráðuneytið, 17. október 1972.

Hannibal Valdimarsson.

Hallgrímur Dalberg.